

Pinerlineqartunut naalagaaffimmit taarsiissutit pillugit inatsit naapertorlugu aningaasanik taarsiissutigineqartussanik aaqqiineq pillugu nalunaarut

Pinerlineqartunut naalagaaffimmit taarsiissutit pillugit inatsimmi § 9, imm. 2, aamma § 9 a malillugit, tak. inatsimmut nalunaarut nr. 1209, 18. november 2014-imeersoq, allanngortinneqartoq inatsisikkut nr. nr. 486, 30. april 2019-imeersukkut, aamma taarsiissuteqarnissamut akisussaaffeqarneq pillugu inatsimmi § 15, imm. 2 malillugu, tak. inatsimmut nalunaarut nr. 1070, 24. august 2018-imeersoq, aalajangersarneqarpoq:

§ 1. Pinerlineqartunut naalagaaffimmit taarsiissutit pillugit inatsimmi § 9, imm. 2, aamma 9 malillugit pinerlineqartunut naalagaaffimmit taarsiissutit pillugit inatsimmi § 15-imi malittarisassat malillugit piumasqaatinik sukkasuumik akuerinninnermut aningaasanut killiliussaq aaqqiivigineqarpoq.

Imm. 2. Taarsiissuteqarnissamut akisussaaffeqarneq pillugu inatsimmi § 15, imm. 1 malillugu inatsimmi aningaasat erseqqinnerusumik taaneqartut ilaat ukiumut naatsorsuiffiusumut pineqartumut procentinngorlugu naleqqussaaitut 2,0 procentimik aaqqiivigineqarput, tak. procentinngorlugu aaqqiissut pillugu inatsit. Tamatuma kingorna aningaasat saqqummertut koruuninut 500-kkaanut agguarneqarsinnaasunut qaninnernut akunnaallisineqassapput.

Imm. 3. Ukiumut naatsorsuiffiusumut 2024-mut procentinngorlugu naleqqussaait 1,5 procentiuvoq, tak. ukiumut naatsorsuiffiusumut 2024-mut procentinngorlugu aaqqiissut, procenti naleqqussaait aamma akigititanut procenti naleqqussaait pillugit nalunaarummi nr. 1101, 21. august 2023-meersumi § 2.

§ 2. 1. januar 2024-miit 31. december 2024-mut atuuttumik inatsimmi § 9, imm 2-mi aningaasat taaneqartut 4.000 koruuniupput.

§ 3. 1. januar 2024-miit 31. december 2024-mut atuuttumik inatsimmi § 9 a-mi aningaasat taaneqartut 152.000 koruuniupput.

§ 4. Nalunaarut atuutilissaaq ulloq 1. januar 2024.

Justitsministeria, ulloq 29. november 2023

Peter Hummelgaard

/ Helene Bendtsen

